



20 19 йил. « 15 » 04

№ 08-181

« ____ » _____ 20 ____ год.

**Ўзбекистон Республикаси Вазирлар Маҳкамасининг
2019 йил 8 апрелдаги 284-сон қарори ижросини таъминлаш тўғрисида**

Ўзбекистон Республикаси Вазирлар Маҳкамасининг 2019 йил 8 апрелдаги “Норматив-ҳуқуқий ҳужжатлар лойиҳаларини ишлаб чиқиш ва келишишнинг ягона электрон тизимини жорий этишнинг ташкилий чора-тадбирлари тўғрисида” 284-сон қарорида белгиланган вазифалар ижросини таъминлаш мақсадида

БУЮРАМАН:

1. Ўзбекистон Республикаси Вазирлар Маҳкамасининг 2019 йил 8 апрелдаги 284-сон қарори раҳбарлик ва ижро учун қабул қилинсин.

2. Қарор билан:

2019 йил 1 майдан 1 июлга қадар – Ўзбекистон Республикаси қонунлари, Ўзбекистон Республикаси Президенти ва Ўзбекистон Республикаси Ҳукуматининг ҳужжатлари лойиҳаларини манфаатдор вазирликлар, идоралар, маҳаллий ижро этувчи ҳокимият органлари томонидан ишлаб чиқиш ва келишиш (виза кўйиш)да Ягона электрон тизимнинг пилот лойиҳаси жорий этилиши ҳамда уларни Вазирлар Маҳкамасига киритиш белгиланган тартибда қоғоз кўринишида ёхуд Ягона электрон тизим орқали электрон кўринишда амалга оширилиши;


2019 йил 1 июлдан 1 октябрга қадар – Вазирлар Маҳкамаси аппаратида Ягона электрон тизимнинг пилот лойиҳаси жорий этилиши ва унга кўра манфаатдор вазирликлар, идоралар, маҳаллий ижро этувчи ҳокимият органлари томонидан ишлаб чиқилган ва келишилган (виза кўйилган) Ўзбекистон Республикаси қонунлари, Ўзбекистон Республикаси Президенти ва Ўзбекистон Республикаси Ҳукуматининг ҳужжатлари лойиҳалари Вазирлар Маҳкамасига белгиланган тартибда устувор равишда Ягона электрон тизим орқали электрон кўринишда киритилиши;

2019 йил 1 октябрдан бошлаб ва кейинги даврда – манфаатдор вазирликлар, идоралар, маҳаллий ижро этувчи ҳокимият органлари томонидан ишлаб чиқилган ва келишилган Ўзбекистон Республикаси қонунлари, Ўзбекистон Республикаси Президенти ва Ўзбекистон Республикаси Ҳукуматининг ҳужжатлари лойиҳалари келишиш (виза қўйиш) ҳамда кейинчалик қабул қилиш учун Вазирлар Маҳкамаси ва Ўзбекистон Республикаси Президенти Администрациясига фақат Ягона электрон тизим орқали электрон кўринишда киритилиши белгиланганлиги инобатга олинсин.

3. Давлат ва ҳуқуқ назарияси ва тарихи кафедраси (Ш.Сайдуллаев) ва Давлат ҳуқуқи ва бошқаруви кафедраси (Б.Мусаев) ушбу қарордан ўқув жараёнида фойдаланиш бўйича зарур чораларни кўрсин.

4. Мазкур буйруқ бажарилишини назорат қилиш ўқув ишлари бўйича проректор М.Камалов зиммасига юклансин.

Адлия вазири
Ўринбосари – ректор



Е.Канъязов